

ЧЕХИ ГЪАЛИБВИЛИН СУВАР МУБАРАКРАЙ!

РД-дин АХЦЕГЪ РАЙОНДИН ОБЩЕСТВЕННО-ПОЛИТИЧЕСКИЙ ГАЗЕТ



1928-йисалай акъатзава

№18 (8726) арбе

12+

ЩИШИ ДУЪНЪЯ

9-май, 2020-йис.

Газет гъафтада садра акъатзава.

Къимет 10 манат

КЪИЛ АГЪУЗНА ИКРАМЗАВА!

Гъурметлу районгъли-яр! Гъалибвиллин Чехи суварин, адан 75 йисан юбилейдин Югъ чна кез риклин сидкыдай мубаракразава! 9-май, гъакъкъатдани, чи улькведин гъар са агъали патал виридалайни багъа сувар я. «Ватан клан хъун ва хуьн – им инсандин имандин паярикай сад я», – лагъанва гъадисда. 9-май – им фашистрихъ галаз дявейра чи Ватандин азадвал ва аслу туширвал патал къызгын женгера телеф хъайн ва дяведилай къулухъ ульке кВачел акхбалдар хъувур игитар рикел хкизвай ва абурун чешнейралди жегил несил тербияламышзавай къетген сувар я. Къе чна чан аламай чи къегъал гъалибчийриз – дяведин ва зегъметдин ветеранриз къил агъузна икрамзава. Къуй кез чандин сагъвал, риклин динжвал хъурай! Куь зегъметар гъич садрани квахъ тавурай!



«АХЦЕГЪ РАЙОН» МР-дин ВРИО М-Р.ГЪ.ГЪАНИЕВ
РАЙСОБРАНИДИН ПРЕДСЕДАТЕЛЬ А-К.ПАЛЧАЕВ

ИГИТДИН УЪМУЪР ЧЕШНЕДИЗ ЛАЙИХЛУ Я

М.НАРИМАНОВ

Гъазрет Агъаевич Алиев 1922-йисуз Хинерин хуьре лежбердин хизанда диле-диз хъана. Ватандин Чехи дяведин иштиракчи, Степной фронтдин 46-армиядин 236-стрелковий дивизиядин 496-къилдин разведротадин разведчик, красноармеец тир ам 1944-йисалай КПСС-дин член тир. Тамам тушир юкъван образование къачур ада дяведилай вилик хуьрун колхозда кВалахна.



1942-йисуз Гъ. Алиеваз Яру Армиядин жергейриз эверна. Ада Ватандин Чехи дяведин фронта виклегъвилелди женг чгуна. Виклегъ дагъви 1943 йисан 26-сентябрдин йифиз иллаки тафаватлу хъана. И вахтунда ада лейтенент Шпаковскийдин (Советрин Союздин Игитвиллин Твар Алиеваз талукъ Узакдихъ галаз санал гана) командованидик квай 19 касдикай ибарат разведгруппадин жергейра

аваз Сошиновка (Днепропетровский область) хуьруьн района Днепр вацалай элячйна. Иифен вахтунда ва юкъуз чи аскерин дестеди душмандин акси гъужумриз рум гузвай. Тек са Алиева душмандихъ галаз какахъай женгера вичин автоматдин цалди са шумуд цуд гитлеровчи тергна. Плацдарм гегъеншарунин рекъай жележгидин женгера виклегъ разведчикди командование душмандин гъакъиндай важиблу разведделиралди таъминарзавай.

1943-йисан 1-ноябрдиз къабулнавай СССР-дин Верховный Советдин Президиумдин Указдалди Днепр вацалай агалкъунралди элячйна, вацун рагъакИдай патан керехда плацдарм мягъкемар авунай ва и вахтунда къалурай игитвилля красноармейчи Алиев Гъазрет Агъаевичаз Ленинан орден ва «Къизилдин гъед» медаль гуналди адакай Советрин Союздин Игит хъана. Идалайни гъейри, адан женгинин лайихлувилер гъакI «Яру гъед» ордендалди, «1941-45-йисарин Ватандин Чехи дяведа Германиян винел гъалибвал къачунай», «Ватандин Чехи дяведа гъалибвиллин 20 йис», «Ватандин Чехи дяведа гъалибвиллин 30 йис» ва са жерге маса медалралди квейдна.

1944-йисуз Гъ. А. Алиева младший лейтенантвиллин курсар къуьтягъна ва 1946 йисалай ам лейтенант яз запасдиз экъечйна. Эхиримжи йисара ада КПСС-дин Ахцегъ ва Рутул райкомрин 1-секретарвиле кВалахна ва Махачкъалада жавабдар къуллугърал хъана. Игит 1981-йисан 28-февралдиз рагъметдиз фена ва Махачкъала шегъерда мусурман сурара кучуднава. Игитдиз хайи хуьре Чехи памятник хкажнава, адан тварунихъ Ахцегъа, Рутула, Махачкъалада, Дербентда къуьяр гала.

АХЦЕГЪА - СТАЛИНАН ПАМЯТНИК

Дашдемир ШЕРИФАЛИЕВ

Иосиф Виссарионович Сталин. Инкъилабчи, советрин девирдин общественно-политический ва гусударственный зурба деятель, генералиссимус! В. Ленинан рехъ-кар давамарай ада 1924-йисан 21-январдилай 1953-йисан 5-мартдалди, яни Ватандин виридалайни четин, залум, инсафсуз девирда СССР-диз регъбервал гана. Адан регъбервилек кваз чун Ватандин Чехи дяведа Гитлеран фашизмдин винел гъалиб хъана. Дяведа «Ватан патал, Сталин патал!» - гафар менеллаз виш агъзурралди аскерин чпин чанар къурбанд авуна... «Сталина Россия туьрез гъаз къабулна, амма атомный бомба гъаз туна», - Британиядин регъбер Уинстон Черчилла лагъай маналу гафара Сталинан дерин тариф ава.

Эхъ, садавайни инкариз тежер фактар-делилар Сталинакай пара лугъуз жеда. Гъавилляй халкъдин патай Чехи гъурметдин лишан яз, са девирда Сталинан памятникар гъар са шегъерда, гъатта Чехи хуьрерани хкажзавай. Амма Хрущевани адан гъилибанри хсуси такланвиллин, пехилвиллин себбрикди «культ личности» лугъуз, бугътенар вегъиз, Сталин къацурна (вич тарихдин зурба «личность» тирвилляй «культни» жеривал я), памятникарни алудна. Нин рикел алама къе Хрущев вич? Амма, гъайбатлуди яргъалай хъсан аквада лугъурвал, вахтар алаг ийирдавай обществода Сталинан нуфуз-гъурмет артух жезва. Адаз цийи къилелай памятникар хкаж хъийизва. Ватандин Чехи дяведин ветеранри, къе, Чехи Гъалибвиллин 75 йисан юбилейдин вилик, гъукумдарривай Волгограддиз вичин гъакъкъи Сталинград твар хугун истемиззава. Якъин, Сталинан къисметни тарихда I Пётран къисмет хъиз, зурба регъбер ва реформатор яз гъамишалугъ амукъда.

Ахцегъа лагъайтIа, Сталинан памятник садрани кими хъанач. Гъикъван тажуб жедай кар ятлани, ина Къуза патан са магъледа Сталинан къве памятник ава: Мейланов Мегъамед-Шефидин ва рагъметлу Эдиев Межид духтурдин яшайишдин квалерин вилик квай бустанра.

Гъалибвиллин Чехи суварин вилик чун вичин памятникдин сир-тарихдин месэладикай чирун патал зурба ватанперес тир Шефи дашан (адаз вирибуру гъурметдивди гъакI лугъузва) къилин фена. 88 йисан яшда авай агъсакъалди, хевлет кВале алукъна, газетар келзавай. Стодал диндин ва тарихдин ачух ктабарни алай. Мугъманар ада пара хушдиз къабулна.

1953-йисуз Сталин кинихъ галаз алакъалу яз, улькведа адакай пис рахаз, памятникар алудиз, инсанрин къил элкъуьрзавай, гъавурда акъан тийир вахт тир,- суьгъбетзава агъсакъалди. - Ахцегъа Къапудин ва спортдин майданрал алай Чехи паматникарни алудна, парабурун пер ханвай. Райпидин складда гъеле ящикрай акъуд тавунвай Сталинан памятник ише тахтана баят жезвай. 1962-йисуз са мяркатдал алаз, гъикI ятлани, чаз, гадайриз хабар жеда хъи, гуя складда маса шейэрзиз чка азад хъувун патал анай списатнавай памятник акъудна тергиз кланзава. Гъукумагди еке харжиярна, Ахцегъа къилин майдандал эцигун патал гъанвай регъбердин къамат – памятник чна къутармишун къетйна. Са сеферда йифиз ярар-дустарни галаз фена, ам хкиз клан хъайила, пара залан яз, чи тлем акакънач. Вучда? Гъа мягъкем ящикра аваз, трактордихъ галкIурна, жуван гъаятдиз галчIурна. 1968-йисан гагфариз ам, кВачер квачир железобетондин памятник, кВалин вилик квай бустанда махсус постаментдал хкажна. «Я стха, кВачер квачир регъбер хъсан аквазвач, ша чна адак кВачер кухтан», - меслятна зи рагъметлу къунши, машгъур юрист Зигъир Гъажибегова. ИкI, 1968-йисуз чна (за, Зигъира, Насруллаев Мусади ва Муспагъов Сейфеди) памятникдик кВачер кухтуна, ам исятда авай кIалубдиз хкана. Адакъ гелкъуьн заз адет хъанвай кар я. Къилди къачуртIа, гъар йисуз 9-майдин вилик квай йикъара за памятник чуьхъуьва, шир хъязва, адан вилик цуьквер цазва.

- КВалин вилик памятник эцигайла бес гъакимри, къайдаяр хуьдай органрин векилри чуькначирни?

- Списатнаваз, чандилай ахлатна кланзавай адетдин-



ди тушир загI тир къван, я тахъайтIа абуруки Сталинан терефдарар квай жеде. Сифте такурдай къуна, вири кисна. Ахпа, гъелбетда, заз ам ахлудур лугъурбурни, гъатта салам тахгурбурни хъана. Сада, адан твар мад за къадач, гъаятда Сталинан памятник эцигнава лагъана, залай Москвадиз арзаяр къхена. Са гъихътин ятлани инсанарни – КГБ-дай тир жеда – атана килигайла, пара тажуб хъана амукънай абуру. Захъ галаз гъурметлуда-каз суьгъбетар авурдалай къулухъ (за абуруз вири гъа авайвал ахъайна), «гъар гъи касдиз хъайитлани вичин кВале, гъаятда регъбердиз памятник эцигдай ихтияр ава» лагъана, хъфена.

Гуьгъуьнай, 1988-йисуз, заз КПСС-дин жергейриз гъахъиз клан хъайила, Сталинан терефдар я лугъуз, къабулзавачир. Вучда? Зани Сталинан памятникдин шиклини галаз Ленинграддиз, ЛТИ-дин алим ва машгъур политдеятель Нина Андреевадин тварцел шикаятдин тегъердин чар ракъурна. Куьрелди, адакай куьмек хъана, зун партиядиз къабулнай. Вичикай 1991-йисуз ВКПБ-дин регъбер хъайи Чавуз Нина Александровнади заз Москвадиз, партконференциядиз теклифнай, амма хизандин гъалар себеб яз физ хъаначир.

Зи кВалин вилик квай бустанда Сталинан Чехи памятник ава лагъана ван хъайила, адаз килигиз са шумудра заз Гуржистандини маса чкайрайни мугъманар атана, гилани къезва...

- Шефи даш, якъин, вун лап гъакъкъи коммунист, сталинчи я.

- Гъун бес. Зун хътинбур Ахцегъа пара авай, гилани авачиз туш. Чи несилриз гъевечIи чIавалай кВале дидебубади, мектебда муаллимри гайи тербия гъахъинди хъана. Ватанпересвиллин руьгъдал, къастунал мягъкем



ЧЕХИ ГЪАЛИБВИЛИН 75 ЙИСАЗ ТАЛУКЪ ЯЗ

Гъурметлу районгъалияр, 1942-йисан «Дагъустандин правда» газетда чапнавай и макъала чна агъадихъ гъа авайвал гузва. Артухлама, низ хуси архивра райондикай куьгъне материалар, шикилар аватла газетдин редакциядиз гъун теклифзава. Чна абур вири халкъдиз райжда.

СКАЗКА И ЖИЗНЬ



на врага тысячами килограммов смертоносного металла. Товарищи только дивились, как он дотянул до аэродрома – его вытащили из кабины уже без сознания.

У лезгин и у азербайджанцев существует предание о волшебнике-враче Лукмане. Казалось, что Эмирову уже не мог бы помочь даже чародей. Раны гноились. Образовалась газовая гангрена. В госпитале не верили в выздоровление. Но сказалась эмировская воля к жизни и богатырское здоровье сказочного Зулум-Магомы – летчик 18 суток боролся со смертью и – победил. Только к старым ранам, заработанным еще в боях с белофиннами, прибавились новые. Их было всего тринадцать рубцов на теле Эмирова. Говорят – раны украшают героя.

Последние недели летчик Эмиров провел в операциях на Моздокском фронте. Здесь его знали все. Есть такая красноармейская газета летчиков: «Сталинские соколы». Комплект за август. Огромный, на всю страницу аншлаг: Громить врага так, как летчики подразделения тов. Эмирова! Комплект за сентябрь. Большой портрет Эмирова. Не рядовая статья: Родина любит и славит героев! Быть такими, как капитан Эмиров!

В его подразделении выросла уже целая плеяда эмировцев. Александрович, Сахаров, Козловский, Матвиенко, Колыль – это настоящие асы. Как Эмиров – смелые, дерзкие, волевые.

Летописатели Отечественной войны в долгу перед ними. В неплатном долгу перед лезгинским народом. Они так мало писали о его замечательном сыне!

А на фронте уже дописана последняя глава этой короткой, как метеор, и героической, как сама сказка, жизни. Она, эта последняя глава, заключена в лаконичные строки обычного штабного донесения:

«В районе М. один наш истребитель вел воздушный бой с шестью «Мессершмиттами». Двух из них он сбил. В неравном воздушном бою наш самолет был сбит и упал близ населенного пункта Н. Летчик погиб. Он оказался капитаном Эмировым».

Бойцом хоронили своего командира с почестями, какие он заслужил стократ. Он был верен себе до конца, наш Валентин Эмиров – больше всего в жизни он любил неравные схватки. Так поступали герои волшебных лезгинских сказок.

В сказке богатырь Зулум-Магома не жалел для счастья людей кусков своего тела. Эмиров для счастья людей не пожалел своей жизни.

А. НАЗАРОВИЧ

ЖУРНАЛИСТДИН КЪЕЙДЕР

ПОЛЬШАДИН АНТИСЕМИТИЗМ ВА РУСОФОБИЯ

Н.А.ГЪАЖИЕВ,
зегметдин ветеран,
журналист

(Эвел 17-нумрада)

1941-йисуз оккупацияда авай Польша генерал-губернаторство яз Германиядик куктунай. Гъа ина гуьзет тавунвай зурба антисемитский погромар арадал къевезва. Абур тешилайбур немсер тушир – полякар чеб тир. Са гъевчи шегъерда – Едвабнеда чувудар къванералди ягъиз, паяяр илигиз рекъиз эгечина, къилер атлуз мийитриз кIур гуз хъана. Полякрин са дестеди чувудрин равнин (фекъи) къиле авай дестедал гъужумна зулумрик вири рекъизва – чан аламаз цай яна кузва. Инанмиш хъун четин я: немсеривай и алапат эхиз хъанач, погромра иштиракай вагъши са шумуд поляк абуру яна къена.

Полякриз дяведин йисара терг авур 6 миллион чувуд тIимил акуна. Дяведилай къулухъни антисемитский погромар давам жез хъана. 1946-йисан июль. Нюрнбергда фашистрин винел суд физва, ана чувудар тергун негъзава. Польшадин Кельце шегъерда 2000 касдив агакъна полякри чпик чкадин милициядин векиларин какахъна «Смерть евреям», «Завершим работу Гитлера» ва маса лозунгар эзбериз, чувудрал гъужумна: абур чъунухъ хъанвай кIвалерин ракарар кукIвариз и халкъдин векилар тир 47 кас тергна. Шегъерда амайбур концлагеррай къутармиш хъанвай зайифбур, азарлур, набудар тир. Ина погромар артух жез эгечина. Са тIимил варцара и уьлкведай 80 агъур чувуд гъарнихъ катуниз мажбур хъана. И кардал эхир эцигун патал советрин къецепатан крарин Министерстводи Польшадин руководстводиз вилик пад къун теклифзавай чар ракурзава. Авайвал лугъун, Западдиз и крарикай гъелелиг хабар авачир. Белки ихтин делиларин документар ашкара авурла, абурун къилера са дегишвилер гъатда?! Инанмиш хъун четин ятIани, умуд кугаз канзава. Гила дишегъалияр, аялар, къуьзубур инсафсуздаказ тергай душубуширай бязи публикацияр арадал атанва, дуьньядин сообществодизни хабар хъанва.

Еке зулумкарвилерин чешнейрал тафаватлу хъайи полякрин антисемитизм артух ашкара тушиз вучиз хъендик кумукънатIа? И кардихъни себебар ава. Дяведилай къулухъ Польшада буржуазный режим дегиш жезва. И уьлкве соцлагердик акатзава, Варшавский договордин (союздин) член жезва. Гъавилай Советрин Союздин руководстводиз виликдай хъайи полякрин «игитвилер» (чувудар телефон) винел акъудун герек тушиз акуна, абур малумарнач.

Западдизни и кар герек авачир. Абуру Польша дяведа виридалайни гзаф къевера гъатай, саки киезе тоталитарный уьлкведи (Германиядини Советрин Союзди) гъеле 1939-йисуз паярна, кукIварнавай уьлкве яз райж ийиз эгечинавай. Гъавилай полякрин антисемитизм къеве терефдин интересар туьш хъана дуьньяда ашкара тушир. Суал къевезва: гъа западди тестикъзавайвал, Польша са тахсирни квачиз къеве гъатайди, гъугъуьнлай немсерин кIуларик хъайиди тирни? Инал суьгъбет дяведикай ваь, политикадикай

физва.

Гитлера дяве башламишдайди садазни сир яз амачир. Адан экономика политикани галаз ачухдиз милитаристский (дяведин) рекъел элячIнавай. Гъамиша чпин итижрикай фикирзавай Запад а дяве чпелай алудна шарк патахъ (Советрин Союздин аксина) элкъуьрунин чалишмшвилера авай. Франциядин, Великобританиядин къиле авайбур Гитлерахъ галаз гъуруьшмиш жез, адаз кIанвилер ийиз, ам хъуьтуьлариз алахъунра ава. Адахъ галаз чинебан союзар тукIуьрзава. Гъа икI, 1938-йисуз Мюнхендин икърар арадал атана. Адан бинедаллаз Франциядини Англияди чпин хушуналди Гитлераз Чехославакия пишкешзава. Гитлераз са манийвални амач. Амай уьлквеярни Германиядихъ галаз дуствал жагъурунин алахъунра ава. Советрин Союздин руководстводиз и гъерекатар вири аквазва, дявени фад-геж башламишдайди чизва, анжах армия хъсандиз гъазурун патал вахт герек тир.

Сталин Западдин лидерар хъиз, Гитлерахъ галаз садрани гъуруьшмиш хъайиди туш. Польшадин гъукумдарар ачухдиз Гитлерахъ галаз санал Советрин Союздин аксина дяведик экечIунин планрик квай, абуру и кар чъунухъни ийизвачир. Советрин Союзди Гитлеран аксина чи армия Германиядин мукъув гъун патал Польшадай фидай ихтияр це лагъайла, и уьлкведин регъберри вексидаказ жаваб гузва: советрин аскерин кам Польшадин чилерал садрани жедач. Гъавилай мажбур хъана Советрин Союзди 1939-йисуз Германиядихъ галаз сада садал гъужумдач лагъай пакт (икърар) кутIунзава. Им тарихда гъатнавай Молотовани Риббентропан пакт я. Къе Западди гзаф жакъвазвай, дяве башламиш хъунин сифте себеб яз малумарзавай икърар. Им анжах са тIимил хъайитIани дяве къулухъ хъунин чалишмшвилерин кам жезвай, чи уьлкведиз вахт чарасуз тир.

Польшадин буржуазиядин Гъукумат вичин хам хуьз, вахтунда хъфена Лондонда ахцукъзава. Гъанай буйругъар гуз, халкъдин, уьлкведин къилел артухан бедбахтвилер гъиз гъерекатра ава. 1939-йисан сентябрдиз Польша фашиствилерин Германиядин кIвачерик ярх жезва. Полякри лап фад немсерин агъавал къабулзава, абурун къуллугъдал къевезва. Абурун вагъшивилералди инсанар телефонра иштиракиз эгечIава. Чиркин, немсериз бегенмиш тушир везифаяр прибалтрихъ галаз санал полякри чпин хивез къачузва. Абурун кIеретIрикай карательный (жазаламишдай) дестеяр, концлагерра надзира-телар, полицаяр, инсанар телефдай жаллагIар жезва. Иллаки чувудриз, есирвиле гъатнавай советрин аскериз, чи армиядин офицериз, коммунистриз, гъиле гъатай партизанриз абурун патай инсаф авачир. Польша фашизм-дикай азад авурдини советрин армия хъана, амма уьлкведи же-гъилриз – цийи несидиз Польша къутармишайди анжах Америка тирди чирнава. Гъавилай урусри чеб азадна лагъай хабар сифте ван жезвайди, тажублуди, са артух инанмишвал авачирди яз къабулзава.

(КъатI ама)

Улезгин есть старинная легенда о сказочном богатыре Зулум-Магоме. Огромный, семисаженный, он обладал невероятной силой. Он сражался с чудовищными, странными девами, угнетавшими лезгин. Он победил великанов Хайдара и Эльбурана. Это были предатели и они принесли в горы вражду. Чтобы найти людям чистые родники взамен ядовитых, отравленных драконами, Зулум-Магома не побоялся на фантастической птице Тютю куш отправиться даже в надземный мир. Он кормил своего крылатого друга хлебом, испеченным в семи огромных тандырах, а когда не хватило хлеба, отрезал кусок своего собственного кровоточащего мяса. Это было нужно для счастья людей.

Десятки поколений лезгин росли под обаянием этой замечательной сказки. Хотелось быть сильным, как Зулум-Магома. Хотелось, подобно ему, оседлать могучего орла и ветром помчаться на бой с коварными Хайдарами и Эльбуранами.

Ахтынец Эмиров был в горах первым, для кого сказка стала явью. Он рос ловким и сильным, как природный горец. Но главная его сила была не в мышцах. В горах говорят: у него львиное сердце. Это значит, что у человека – железная воля.

Железная воля пронизывает всю жизнь Валентина Эмирова. Она подняла его на подвиги. Она принесла осуществление детской мечте о крыльях сказочной Тютюкуш. Эмиров завоевал крылья. Он стал славным советским летчиком. Первым среди лезгин.

Этот 27-летний капитан и командир эскадрильи, первым в своем полку открыл и счет сбитых вражеских самолетов. В одной из книг о героических боях с финской белогвардейщиной рассказывается,

как Эмиров вступил в неравный поединок с тремя финскими разведчиками и оказался победителем. Горы Дагестана дали своему сыну такой талисман, как бесстрашие, опыт боев дал Эмирову военную хитрость, а высококую выучку летчика завоевал он сам. Эти три качества и обеспечили первую победу первого летчика-горца; он сбил один финский самолет, а два остальных обратил в постыдное бегство. Лезгини говорят: надо, чтобы враг или совестился тебя, или боялся, но обязательно убежал.

В этом бою самолет Эмирова получил 96 пробоин. За каждую из них советский ас больно отомстил врагу. На его боевом счету пять сбитых вражеских самолетов, более двухсот боевых вылетов, десятки яростных воздушных боев и сотни уничтоженных гитлеровцев.

ЦИН ПУЛ ЦИЗ ХЪИВЕГЪНА

«Шерифали бубадин насигатар» ктабдай

Ахъегърин Гуьней пата Гъажи Неби тIвар алай са муьмин кас хъана. Низ хъайитIани вичелай алакьдай куврек ийиз гъазур, Николаян девирад Гъаждал фена хтай, садакъа къурла алатдай адаз халкъдин арада къетIен гъурмет авай. Ахъегъа адан сур-пир зиярат хъиз гъисабзава.

Гъаждал Гъажи Неби, гъа макъамда парабур хъиз, Баку шегъердив къван яхдиз, анай Каспий гъуьлелай гимиди аваз

Шевченкодиз, ахпа пак Мекке, Медина галайвал физвай. Рекъе гъажияр ял ягъун ва я рекъин киридинни тIуьн-хъунин пул къазанмишун патал гъинал-гъанал акъваздай, агъвал квай ксариз кIвалахдай. Гъавилай Гъаждал фена хтун кесиб касдиз йисан, гъатга къеве йисан мутатда давам жадай.

Гимиди аваз физвай Гъажи Небинин адан рекъин юлдашди нив гъикъван пул гватIа килигиз чпин кисеяр акъудна. Пул гъисабзавай арада бирдан са гъевчи маймунди Гъажи Небинин гъилай пул авай кисе яна,

ам елкендин (парусдин мачта) кукIваз катна. Ана маймунди кисе ачухна, къзилдин пуд манат гъуьлуьз гадарна, ахпа кисе несидал хъивена. «Я Аллагъ, Ваз шукур хъуй, зак гъарам кутун тавур!», – агъ акъатна Гъажи Небидай.

– Гъаждал къеведай пул за жуван калин нек маса гуз, кепек-кепекдал эцигиз, кIватIайди я. Арабир къариди закай чинебада-каз некедиз тIимил яд язвай. Гъа цин пул гъайванди гъуьлуьн циз хъивена, – лагъана ада агъвалат акуна серсер хъанвай юлдашдиз.

АХЦЕГЪА - СТАЛИНАН ПАМЯТНИК

1← туширтIа, чавай ахтин гужлу, фендигар, инсафсуз душмандин хура дурум гуз жедайни? Хъсандиз рикел алама, дяедин четин йисара чун, 10-15 йисан яшда авай гадаяр, уьлкведиз жувадай алакьдай са гъихьтин ятIани хийирлу кардихъ къекъез жедай. Гъатта чун фронтдиз физни гъазур тир.

Гъа макъамда уьлкведа вири халкъдин тербиядин кIвалахдиз мектебра октябратринни пионерин тешикатрилай эгечIна зурба дикъет гуз хъана. Обществода виридалайни гъурметлу, виридаз чешнелу ксарни муаллимар тир. Гъавилай абурулай гъахтин ватанперес руьгьдин несилни тербияламышиз алакьна. Гила муаллимрин саил гъал акваз (гузвай мажибдал хизан хуьз тежезвайвилай мектеб дишегълиринди хъанва) риклиз пис жезва.

Алава хъийин, Ватандин Чехи дяевдин йисара Сталинан ва КПССдин регъбервилек кваз киле тухвай зурба кIвалах гила рикелай ракурун эсиллагъ дуьз кар туш. Чехи Гъалибвилдин юбилейдиз талукъ яз Волгоград шегъердал Сталинград тIвар эхцигнайтIа кутугай кар тир. Им Ватандин Чехи дяевдин ветеранриз виридалайни хъсан савкъат, гъаКI тарихдин гъахъ-адалат гъалиб хъайи хътин кар жедай.

- Шефи даш, куь хурудал Ленинан, Сталинан орденарни медалар алаз аквазва, жедачни гъабурукайни къве гаф лагъайтIа?

- Ленин рикел хуьн патал тир (памятний) и медаль заз Ленинан 140 йисан юбилейдиз гайиди я.

Сталинан 130, 140 йисарин юбилейриз талукъ медалар вичин вахтунда Г.А.Зюганован къулар алаз КIПРФдин ЦК-ди пишкешна. Амма заз виридалайни багдади вичел «Генералиссимус И.В.Сталин. За верность Родине» кхъенвай 072-нумрадин орден я. Къенин йикъални Сталинан къамат, памятник хъсандиз хуьнай, жегъилар ватанпересвилдин руьгьдаллаз тербияламышунай ганвай и орден официальнойдаказ вахкун патал, виликамаз хабар гана, 2019-йисан 5-октябрдиз иниз Москвадай, Санкт-Петербургдай, Махакалаладай нуфузулу итимар атанвай. Гъелбетда, зани гъазурвал акуна, жуван итимарални сес эляна, багъа мугъманар лайхлудаказ къаршиламышна. Абурухъ галаз атай чи машгур скульптор Шериф Шагмарданова лагъайвал, Чехи Гъалибвилдин 75 йисан юбилейдин шадлухдай, Владимир Путинан ихтиярдалди, Сталиназ и йикъара Санкт-Петербургда зурба памятник хкажзава.

- Шефи даш, чандин сагъламвал, кеф-гъал гъикI я, яшлу килихъ сугъул туш гъа? - хабар къуна чна адавай, Чехи хизандин бубадилай, алуькзавай 9-Майдин, Гъалибвилдин Чехи суварин 75 йисан юбилей мубарак авурдалай кулуьх.

- Аллагъдиз шукур хуьй, девирдиз ва яшариз килигай хъсан я. Авайвал лагъайтIа сугъул жери мажал авач: сагъламвилдин гъал хуьн патал бустанда михъи гъавадал жезва, алакьдайвал кIвалахзава; эхиримжи вахтунда йикъа вад кыл капIзава; хтул-птулри зи рикI шадарзава; газет-журнал кIелзава, телевизордиз килигзава.

ЧЕХИ ГЪАЛИБВИЛИН – 75 ЙИС

АДА АРМИЯДИН ГЕНЕРАЛ В.И.ЧУЙКОВ КЪУТАРМИШНА

Дашдемир ШЕРИФАЛИЕВ

Алиханов Абдул-Вагъаб Сефибегович 1904-йисуз Ахцегъа къуллугъчидин хизанда дидедиз хъана. Фамилия Дагъларов тир ада гуьгъуьнай вичин пара кIани Чехи буба Алиханан тIвар фамилия яз къачуна. Ахцегърин машгур школа тарифлудаказ куьтягъай гада хъсандиз имтигъанар вахкуналди Ленинграддин мединститутдик экечIна. Анаг агалкъунралди акъалтIар авур гележеллу жегъил пешекардиз вуздин ректоратди Ленинградда дяевдин медицинадин С.М.Кирован тIварунихъ галай РККА-дин академиядик экечIун теклифда. Абдул-Вагъаба 1935-йисан ноябрдиз анагни агалкъунралди куьтягъна, адакай вини дережадин духтур хъана. Къейдин, а макъамда ам РККАдин медакадемия куьтягъай сад лагъай дагъустанви тир.

Ватандин Чехи дяе башламышай сифте йикъалай хирург Абдул-Вагъаб Алиханов (а чIавуз медицинадин офицер Киев шегъердин патав гъай дяевдин Чехи аэродромдин хуси къурулушдин – аскерриз къуллугъзавай санслужбадин полкунин начальник



тир) фронтда хъана. Украинадин I-фронтдин къурулушдик кваз Сталинграддин, Курскдин гъалкъядин ва маса вакъийарин къати жегъер иштиракунай «Яру гъед» ордендиз, «За отвагу» медалдиз ва са жерге маса наградайриз лайихлу хъана.

Сталинграддин патав дагъви хирургди чуьлдин четин шартIара (пис лампадин экуьналди, лазим алатар ва хер кутлундай материаларни авачиз) Сталинграддин фронтдин командующий, армия-

дин генерал В.И.Чуйков операция авуна. Генерал къутармишна, ам вахтунда кIвачел ахкъалдарунай хирург Алихановаз Кремлда М.И.Калинина гъукуматдин награда гана.

1944-йисуз Абдул-Вагъаб Сефибегович Москвадиз, ВВС-дин санитарный къилин Управленидин къуллугъдал хъана. Чандин сагъсузвилдиз килигна, 1947-йисуз ам отставкадиз экечIна. Дагъустандиз хтай пешекар Буйнакск шегъердин Горздравотделдин ва сад хуьвурдалай кулуьх гъаКI Буйнакск райондин здравотделдин заведишвиле тайинарна. Яшлу килихъ ада Дагконсервтрестдин санитарный духтурвиле кIвалахна.

Тежрибалу пешекардин чешнелу кIвалах Дагобкомди, РСФСР-дин суьрсетдин промшленностдин Министерстводи (Министерстводи тIвар алай къизилдин сятни гана) ва Буйнакск шегъердин руководстводи са шумудра Гуьрметдин грамотайралдини кымметлу пишкешралди къейдна.

Абдул-Вагъаб духтур 1976-йисуз кечмиш хъана, Буйнакск шегъердин сураара кучуднава. Рагъмет хуьй!



АХЦЕГЪ, 1994-ЙИС, 9-МАЙ

ВЕЗИФАЯР ВАХТУНАЛДИ ТАМАМАРДАЙДИ ЯЗ ТАЙИНАРНАВА...

Алай йисан 27-апрелдиз Дагъустан Республикадин Къил В.Васильеван Указдихъ (№34) галаз къадайвал, чи районгъли Камиль Мегъамедов РД-дин карчивилин ва инвестициядин рекъяй Агентстводин руководителдин везифаяр вахтуналди тамамардайди яз тайинарнава. Къейдин, са варз идалай вилик ам и Агентстводин руководителдин сад лагъай заместителвиле тайинарна. Камиль Мегъамедов райондин Хуьруьгрин хуьре просвещенидин «Luminary» сифте Центр ачухай йикъалай инихъ и проектдин руководитель тир. Лугъун лазим я хъи, и проектди дуьньяда машгурвал къазанмишнава



ДИНДИН МЕСЭЛАЙРАЙ ВИРИДАЛАЙНИ ХЪСАНБУР ВУЖАР Я?

Аллагъдин Расулди вичин са шумуд гъадисда виридалайни хъсан инсанрикай чаз хабар ганва: «Квекай виридалайни хъсанди ам я хъи, ни вичиз Къуръан чирна, ахпа ам масабуруз чирнатIа» (Бухари).

«Квекай виридалайни хъсанди виридалайни хъсан ахлакъ авайди я» (Бухари).

«Квекай виридалайни хъсанди виридалайни хъсан жуьреда буржар вахкузвайди я» (Бухари).

«Квекай виридалайни хъсанди ам я хъи, нивай хъсанвал гуьзлемеишзаватIа ва писвал гуьзлемеишзаватIа» (Сагъигъ Тирмизи).

«Квекай виридалайни хъсанди ам я хъи, вуж вичин хизандихъ галаз виридалайни хъсан рафтарвилера аватIа» (Сагъигъ Ибн Гъиббан).

«Квекай виридалайни хъсанди ам я хъи, ни масабуруз тIуьн гузватIа ва саламдиз жаваб гузватIа» (Сагъигъ).

ДАРМАНРИН НАБАТАТАР

ТIЕНГИР

ТIенгир тIвар алай набататдиз бязи чкайра ламра япар лугъуда (матъ-и-мачеха). Ам вирибуруз таниш хъипи цуьк я. Набататдин цуькведихъни пешерихъ инсан сагъарунин къуват ава. Миже ва я гъалима хътинди арадал гъуналдини, ламу ва къуру жуьрейрани адакай дава-дармандин еринда менфят къачузва.



И набататди инсанар гзаф азаррикай хуьзва. Дегъ девирда жерягъри адакай инсандин нефес къадай хътин уьгъуь сагъарун патал махсус гъалима гъазурзавай. Набататдикай исятдани гегъеншдиз менфят къачузва. Ада инсанриз мекъи хъуникди арадал атай ва бронхит азарар сагъарунин карда куьмек гузва. ТIенгир ргана арадал атай гъалимадин стIалри гъар гъихътин хъайитIани тумавар сагъарда. Хук тIазвайла, тIенгирдин пешерикай гъазурнавай чими, ширин тушир чай гзаф хийирлу жеда. Хамунин азарар сагъардайла, ам буйвелрал, хирерал эцигзава.

И набатат инсандин бедендиз герек витаминралди девлетлу я. Къилди къачуртIа, цуькведин пешерик гликозидар, рутинар, каротиноидар, флавоноидар, сапонинар ва масабур ква.

ТIенгир Евразияда, РагъэкъечIдай патан Сибирда, Кеферпатан Африкада, Кеферпатан Америкада ва Юкъван Азиядинни Къиблепатан Сибирдин дагълух чкайра экечIзава. Абуруз гзафни-гзаф къалин чIур (векъ) квачир, яд квай чкайрин патарив, рекъерин кърехра жеда.

ЧИР ХЪУН ХЪСАН Я

• Уьгъуьяр акагнавайла, хуьрекдин 2 тIуруна авай регъвенвай ичиник гъакъван вирт ва хуьрекдин са тIуруна авай регъвенвай чичек акадарна, хъсандиз хуькуьрна, ахпа йикъа 4-7 сеферда, уьгъуьяр хкатдалди ишлемеишда.

• Япарал залам хъанвайла, паркундин миже икьи жедалди ргада, ахпа ам йикъа са шумуд сеферда ван къведай арадивай гуьцIа. Миже холодильникада хуьда.

• Жалгъяр тIазвайла, валерианадин компрессди куьмек гуда. Мадни, эгер ахвар секинсузди яз хъайитIа, ксуудайла, къилихъ валерианадин ва пурнирдин дувулар авай турба эциг.

• РикI кузвайла, чайдин са тIуруна авай кулуьз куьткъуннавай би-яндин (солодка) дувулрал са истикан

ргазвай яд илична, 15 декъикада тада. Ахпа ам куьзна, йикъа 1-2 истиканда авайди хъвада.

• Къуру уьгъуь къайла, са истиканда авай рганвай некледик хуьрекдин са тIуруна авай къурурнавай шалфей кутуна, хъсандиз клеверна, зур сятда тада. Ахпа ксуудалди вилик куз-куз хъвада.

• Дамарра нвидин гъерекат агъуз аватнавайла, чичекрин хуьруьшар ругунвай гъалима гзаф хийирлу я. Ам икI гъазурда: са 2-3 чичекдилай алуднавай хуьруьшар са литр яд илична, 100 гр шекердин песок алава хуьвуна, 15 декъикада зайиф цIал ргада. Ахпа йикъа са шумуд сеферда са истикандин къатIа авайди ишлемеишда. Ихътин гъалима гатфариз ва зулуз иллаки хийирлу я.

АБУРУ ВАТАН ХВЕНА!

Дашдемир ШЕРИФАЛИЕВ

Ахцегь райондин Къакарин хуьре Исмаилов Азизагадинни диде Уримузан хизанда ругуд хвани кьве руш хъана - Исмаил, Тажидин, Шагьабас, Нагъи, Наби, Нурудин, Зулейхани Нинегуьл. Чехи хизан тугунал таъминарун патал Азизага датана чгура - чуйлда гьилер къабарламушуниз мажбур тир. Залан зегьметди атлай буба фад рагьметдиз фена. Асул гьисабдай аялар игит дидедин тербиядик акатна. Ада вичин веледар зегьметдихъай кичле тушиз вердишарна, абурув келиз туна, кьурелди, ватаперес халис пагъливанар хьиз тербияламишна. Ватандин Чехи дяведин йисара абур фронтдиз рекье турди ва сагь-саламатдиз къаришламиш хьувурдини игит диде Уримуз я.

Эхъ, эхъ, Исмаиловрин ругуд стхани дяведин цаярай сагь-саламатдиз акатна хтун гьакьикъатдани тажубдин кар я. Тажубдин мад са кар ава: 1945-йисуз, Чехи Гъалибвиллин вакъидин вилик, пуд стха – Шагьабас, Нагъи ва Нурудин къисметдай Германияда, Берлиндин патав гвай Магдебург шегьерда аваз хъана. Стхайрин тлалабуналди, командованиеди абуруз кьве сятда санал гьуьруш жедай мумкинвал гана. Абур пудни женгеривди Берлиндив агакьна. 1975-йисан 15-июндин «Известия» газетда кьейд авурвал, «Яшлу Уримуз дидедин рухвайриз дяведин чпин гьисаб ава: 21 орден, 40 медаль, 14 херни 4 контуж, беденрикай хкудиз тахъана амукуьай 50 хьитреп ва душманрикай азад хьувур цудралди шегьерар...».

Чехи Гъалибвиллин 75 йисан суварин шадлухдай баркаллу Исмаиловрин стхайрин къисметдикай кьиди рахан. Чехи стха Исмаил (1907-1981) Дербентдин педучилище акьалтарна, хуьре муаллимвиле кваллазавай, хизан кутунвай бегьем итим яз фронтдиз фена. Тифлисин дивизиядин кьурулушдик кваз Кавказ хуьнин женгера иштиракна. Старший лейтенант, ротадин политрук, адан килелни квачел залан хирер хъана ва са бубат сагьар хьувурдалай кьулухъ дяведин набут яз ва хурудал Ватандин дяведин II дережадин орденни са жерге медалар алаз комиссватна, кваллиз хтана. Пенсиядиз экъечдалди 30 йисуз Къакарин хуьрун школада муаллимвал ва директорвал хьувуна.



Баксоветда ва Азербайжандин Нархоздин институтда кадрийрин отделдин заведишвиле ва пенсияда аваз Баку шегьердин ветеранрин Советдин председателвиле кваллахна. Адаз А.Невскийдин (1943), Женгинин Яру пайдахдин, Ватандин дяведин I дережадин (1945) орденар, «За боевые заслуги» (1941, 42, 43), «Кенигсберг къачунай» (1945) ва маса медалар ава.

Иллаки еке агалкуьнар, дережа пуд лагъай стха Шагьабасаз (1919-1984) хъана. Чехи стхайрилай чешне къачуна, адани Дербентдин педучилище лап хъсан кьиметралди акьалтарна. Агуьла муаллимвиле, школадин директорвиле, ВЛКСМ-дин райкомдин секретарвиле зегьмет чугуна. 1939-йисалай хушуналди Яру армиядин жергейриз феи ада вичин уьмуьр Ватан хуьнин кьуллугъдихъ галаз алакьалу авуна.

Шагьабас Азизовичан женгинин баркаллу рехъ лагъайга, полковой школадин курсант, отделениедин командир, дяведин политучилищедин курсант, батареядин комиссар ва командир, дивизиядин командирдин заместитель ва штабдин начальник яз, Карелиядин ва Белоруссиядин I-фронтрин кьурулушрик кваз Заполярьедилайни Норвегиядилай ва Польшадилайни Германиядилай цлар илитна, Берлинда бегьем хъана. Машгьур «Катюшайралди» женг чугуваз, дагъви командирди цудралди шегьерарни хуьрер фашистрикай азад хьувуна. 1945-исан 23-апрелдиз залан хер алаз ам Визенталь шегьердин 2865-нумрадин эвакогоспиталдиз аватна. Ана ам вичихъ гелкьезвезвай медсестра Александра Андреевна надал ашукъ ва эвденмиш хъана. Дяведилай кьулухъ Шагьабас Ис-



маилова Германияда оккупационный кьушунрин кьурулушдик кваз гьукуматдин важиблу тапшуругьар тамамарна. Дяведин лайихлувилерай командованиеди ам Ватандин дяведин II лагъай дережадин са ва I-дережадин кьве орденриз, «Советрин Заполярье хуьнай», «Варшава азад хьувунай», «Берлин къачунай» медалриз лайихлу авуна ва Ленинан орден гуниз къалурна.

1947-йисалай граждан кьуллугъдал элячлай Шагьабас КПССдин Махачкъала шегьердин горкомдин инструкторвиле, КПССдин Рутул райкомдин I- секретарвиле, 1951-54-йисара Москвада компартиядин ЦК-дин ВППШ кел хьувурдалай кьулухъ Дагобкомдин административный ва финансин органнын отделдин заведишвиле, ахпа ДАССР-дин Министррин Советдин Председателдин заместителвиле тайинарна ва 1961-йисуз обкомдин секретарвиле хъяна. Лайихлу пенсиядиз экъечдалди ам и кьуллугъдал аламукьна. И жавабдар кьуллугърал Ватандин Чехи дяведин ва зегьметдин ветерандин намуслу зегьмет гьукуматди женгининбурулай алава Зегьметдин Яру пайдахдин, кьве «Знак почёта» ва «Халкьарин дуствал» орденралди, «Баркаллу зегьметдай» медалралди, РСФСР-дин, Азербайжан ССР-дин, ВЛКСМ-дин ЦК-дин Гьуьрметдин грамотайралдини чехи маса наградайралди кьейдна. Запасда авай полковник, тарихдин илимрин кандидат, СССР-дин журналистрин Союздин член, ДАССР-дин культурадин лайихлу работник тир ада вичин вири кьуват, алакьунар Ватандин азадвални абадвал патал серфна.

Нагъи Исмаиловани (1920-1989) 1939-йисуз Дербентдин педучилище келна, хуьрун школадин муаллимвиле хтана. 1940-йисуз армиядиз феи ам жергедин аскердилай тупарин батареядин командирвиле дережадиз хкаж хъана. Женгинин рекьикай рахайтга, хурудал алай «Яру гьед», Ватандин дяведин II дережадин, Александр Невскийдин орденрини «Москва хуьнай», «Варшава азад хьувунай», «Берлиндал гьужум авунай», «Германиядин винел гъалибвал къачунай» медалри шагьидвалзава.

Дяведилай кьулухъ Нагъиди заочныйдаказ ДГУ-дин тарихдин факультет кел хьувуна ва яргъал йисара адакай Къакарин хуьрун школадин муаллим, завуч ва директор хъана. Зегьметдин агалкьунрай адаз ДАССР-дин лайихлу муаллимвилеин Твар, Зегьметдин Яру пайдахдин орден гана ва



1985-йисуз яшлу аскердив 40 йисалай вичин Ватандин дяведин I дережадин орден вахгана.

Неби Исмаилова 1942-йисуз хушуналди фронтдиз фин патал паспорт къачудайла вич хайиди тир 1923-йисан чкадал 1922-йис кьхиз туна. Моздок шегьер хуьнин женгина гьилел хер хъана, госпиталдиз аватна. Челябинскда училище акьалтарна, танкист яз Минск, Прага, Вена, Берлин шегьерар фашистрикай азад хьувунин женгерин иштиракчи хъайи старший сержант 1947-йисан январдиз хурудал «Яру гьед» орден ва са жерге медалар алаз хайи хуьруьз хтана.




Лайихлу пенсиядиз экъечдалди касди совхозда шофёрвал авуна. Ахцегь районда Ватандин Чехи дяведин иштиракчи эхиримжи ветеран тир ам 97 йисан яшдаваз 2019-йисан 6-декабрдиз рагьметдиз фена.


Гьевчи стха Нурудин (1926-1981) «фашистрихъ галаз дяведавай стхайриз кумекиз ихтиярце» келимайрин арза кхьиналди 1944-йисан февралдиз хушуналди

дяведиз фена. Зур йисуз 124-стрелковый полкуна жергедин аскервиле, ахпа 64-полкуна снайпер яз викегьвилелди кьуллугъна. 1945-йисан 3-февралдиз ам залан хер алаз 5417-нумрадин госпиталдиз аватна. Са бубат квачел ахкъалтай ам 1945-йисан 10-октябрдиз I группадин набут яз комиссватна. Эхиримжи йикъаралди касди дяведин хирерин азиятдив Къакарин хуьрун клубдин директорвал авуна.

Ихтилат кватай чкадал кьейдин, хизанралди дяве чугунай Дагъустанда Ахцегь район та-



фаватлу я. ИкI, са Ахцегъай Таироврин хизандай 8 хва (Азим, Гьамдуллагъ, Исмаил телеф хъана, Абдулгьей, Эбейдуллагъ, Гьажибала, Мавлудин, Зейдуллагъ хтана, вах Ийишади зегьметдин фронтда игитвилер къалурна). Игит диде Серми Фатагьовади вад хва (Гьуьзбуллагъ, Шамсудин, Шамсуллагъ, Мавлудин, Алимегьамед) фронтдиз рекье туна. Пашаврин хизандай пуд стхани кьве вах (дяведин духтур Сулейманни старший лейтенант Сейфедин телеф хъана, вахар Набисатни Такибат ва стха Буньям хтана, ада гуьгьуьнай ДГУ-да са факультетда физматдин кафедрадин заведишвал авуна) фронтда хъана. Мурсаловрин хизандай 5 стхади – Аливердиди, Алавдина, Гуьлалиди, Ризехана, Мегьамед-Султана, Абдулменафан кьуд хчи – Мегьамедшефиди, Хийирбега (гьеле дуьньядин I-дяведин ветеранар тир абур хтана), Хайируллагъа, Эмина, Дагьлароврин хизандай пуд стхади – Абаса, Межида, Абдулатифа женгер чугуна ва икI мад.



Залум дяве башламишайла, кьвед лагъай стха Тажикина (1918-2002) дяведилай вилик Дербентдин педучилище акьалтарна, Агуьл райондин са хуьрун школада завучвал ва директорвал ийизвай. Дуьньядин гьалар пайгардик квачирди къатлай ада 1941-йисуз Буйнаксда пехотный училище куйтъгьна. Дяве эгечдалди са варз амаз ам, младший лейтенант, уьлкведин рагъакьидай патан сергьятдал Белоруссиядиз рекье туна. Дяведа Смоленский, Волховский, Северо-Западный фронтрин кьурулушрик кваз къаги женгера иштиракна ва са шумудра хирер хъана.

Дяведилай кьулухъ Азербайжанда, ГСВГ-да кьуллугъна, М.Фрунзедин тварунихъ галай дяведин академия ва высший партшкола акьалтарна. Полковникдин чиндаваз мотопехотный дивизиядин командирдин заместителвилеин кьуллугъдилай отставкадиз экъечна. Граждан кьуллугъда



Шийи дуьнья

(Новый мир)

Учредитель:

Администрация
Ахтынского района
Республики Дагестан
Главный редактор
Д.Ш.ШЕРИФАЛИЕВ

Газета перерегистрирована Управлением федеральной службы по надзору в сфере связи, информационных технологий и массовых коммуникаций по РД 22 января 2019 г. Регистрационный номер ПИ № ТУ 05-00401.

Позиция редакции может не совпадать с точкой зрения авторов, которые несут ответственность за достоверность и объективность предоставленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Адрес редакции и издателя:
368730, РД, Ахтынский район,
с. Ахты, ул.Герейханова, д.33.

Телефон главного редактора
8(988)-654-59-49

Электронная почта газеты:
newworld1928@mail.ru

ИНДЕКС 63312

Газета «Новый мир» сверстана и отпечатана в ООО «Типография-М» по адресу: г.Дербент, ул.С.Курбанова, 25. Электронная версия газеты на сайте www.akhty.ru

По вопросам качества печати обращаться в типографию ООО «Типография-М»

Время подписания в печать по графику 14.00.

Подписано в печать 14:00

Газета выходит 52 раза в год.

Тираж 1450 экз.

Заказ №